



Broj: 22-44-1380-28/18  
Datum, 16.05.2018. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14) i člana 91. stav (3) Pravilnika o unutrašnjoj organizaciji Kantonalne uprave civilne zaštite Kantona Sarajevo, na Preporuku Komisije za nabavku, broj: 22-44-1380-25/18 od 14.05.2018. godine, u postupku javne nabavke roba: "Nabavka i isporuka dvije auto cisterne za pitku vodu", direktor Kantonalne uprave civilne zaštite Kantona Sarajevo, *donosi*

## **ODLUKU O IZBORU NAJPOVOLJNIJEG PONUĐAČA**

### **Član 1.**

Prihvata se Preporuka Komisije za nabavku, broj: 22-44-1380-25/18 od 14.05.2018. godine, godine i Ugovor o nabavci i isporuci dvije auto cisterne za pitku vodu, dodjeljuje se izabranoj grupi ponuđača TRIBEST d.o.o. i RESOR d.o.o., prema ponudi broj: U-0289/18 dostavljenoj dana 27.04.2018. godine u 09:15 sati za ponudenu cijenu od 295.000,00 KM (slovima: dvijestotinedevadesetpethiljada KM) bez PDV-a, kao najpovoljnijem ponuđaču.

### **Član 2.**

Prijedlog Ugovora o nabavci i isporuci dvije auto cisterne za pitku vodu, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, broj 39/14).

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostavi sve dokaze o kvalifikaciji (dokaze lične sposobnosti i dokaze ekonomske i finansijske sposobnosti), koji su traženi kao uslov za učešće u ovom postupku javne nabavke i to na način i u formi kako je zahtijevano tačkom 3.1 i 3.3 tenderske dokumentacije za predmetni postupak javne nabavke, broj: 22-44-1380-3/17 od 28.08.2017. godine, kao i izmjenama navedene tenderske dokumentacije.

Izabrana grupa ponuđača je dužna u roku od 5 dana također dostaviti original ili ovjerenu kopiju pravnog akta o udruživanju u grupu ponuđača radi učešća u ovom postupku javne nabavke.

### **Član 3.**

Za realizaciju ove Odluke zadužuju se i ovlašćuju Komisija za nabavku roba: dvije auto cisterne za pitku vodu i Sektor za ekonomske poslove Kantonalne uprave civilne zaštite Kantona Sarajevo.

### **Član 4.**

Ova Odluka će se u skladu sa članom 70. stav (6) Zakonom o javnim nabavkama objavit na web stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)) i to istovremeno s upućivanjem ponuđačima koji su učestvovali u postupku javne nabavke.

## Član 5.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 22-44-1380/17 od 28.08.2017. godine i isti je sproveden putem otvorenog postupka javne nabavke.

Procijenjena vrijednost predmetne javne nabavke bez PDV-a je 350.000,00 KM.

Komisija za nabavku je imenovana Rješenjem, broj: 22-44-1380-1/17 od 28.08.2017. godine.

Obavještenje o nabavci, broj: 282-1-1-43-3-19/17 objavljeno je dana 28.08.2017. godine na Portalu javnih nabavki, dok je sažetak Obavještenja o nabavci dana, 29.08.2017. godine poslan JP NIO Službenom glasniku Bosne i Hercegovine, na objavu u „Službenom glasniku Bosne i Hercegovine“, broj 63/17 od 01.09.2017. godine.

Komisija za nabavku dostavila je dana 16.05.2018. godine direktoru Kantonalne uprave civilne zaštite Kantona Sarajevo, Zapisnik o pregledu i ocjeni ponuda, Preporuku ugovornom organu i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno da su u predmetnom postupku blagovremeno primljene četiri ponude, da nije bilo neblagovremeno primljenih ponuda, da se ponuda grupe ponuđača ACI d.o.o. i HIDRAULIKA KURELJA d.o.o. odbacuje na osnovu člana 68. stav. 1. ZJN iz razloga što navedena grupa ponuđača nije dostavila tražene dokaze o ispunjavanju uslova tehničke i profesionalne sposobnosti iz tačke 3.4 TD, odnosno nisu obezbijedili potvrde o uredno izvršenim ugovorima od druge ugovorne strane ili izjave o uredno izvršenim ugovorima ukupne minimalne vrijednost realizovanih ugovora za nabavku auto cisterni za pitku vodu najmanje 300.000,00 KM bez PDV-a, da se ponuda grupe ponuđača MIPEX AUTO RS d.o.o. i SERVIS SEKOND KV d.o.o. odbacuje na osnovu člana 68. stav. 1. ZJN iz razloga što navedena grupa ponuđača nije dostavila tražene dokaze o ispunjavanju uslova tehničke i profesionalne sposobnosti iz tačke 3.4 TD, odnosno nisu obezbijedili potvrde o uredno izvršenim ugovorima od druge ugovorne strane ili izjave o uredno izvršenim ugovorima ukupne minimalne vrijednost realizovanih ugovora za nabavku auto cisterni za pitku vodu najmanje 300.000,00 KM bez PDV-a, da se ponuda grupe ponuđača LIV-S d.o.o., PEDA AUTO CENTAR d.o.o. i KARBA d.o.o. odbacuje na osnovu člana 68. stav. 1. ZJN iz razloga što član grupe KARBA d.o.o. u svrhu dokazivanja lične sposobnosti iz tačke 3.1 TD, nije dostavio tražene dokaze, te posebnu Izjavu iz člana 52. Zakona o javnim nabavkama da nije nudio mito niti učestvovao u bilo kakvim radnjama koje za cilj imaju korupciju (ove izjave su trebale biti dostavljene na jednom od službenih jezika u Bosni i Hercegovini, a što je i predviđeno tačkom 4.5 TD. Član grupe KARBA d.o.o. nije dostavio izjavu o ispunjenosti uslova iz člana 45. stav (1) tačka a) do tačke d) kao ni Izjavu iz člana 52. Zakona o javnim nabavkama na jednom od službenih jezika u Bosni i Hercegovini te prema tački 4.5 stav (3) TD ponuda ove grupe ponuđača se također odbacuje kao neprihvatljiva.), da je ponuda grupe ponuđača TRIBEST d.o.o. i RESOR d.o.o. kvalifikovana i prihvatljiva, da ispunjava sve zahtjeve i kriterije koji su traženi tenderskom dokumentacijom za predmetni postupak javne nabavke kao i izmjenama navedene tenderske dokumentacije, te da su dostavljeni svi traženi dokazi na propisani način, te da prema Pravilniku o uslovima i načinu korištenja E-aukcije (SG 66/16) E-aukcija neće biti provedena

U postupku donošenja ove Odluke, posebno su cijenjene činjenice da je Komisija za predmetnu nabavku u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač jedino ispunio sve zahtjeve koje je ugovorni organ postavio u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke i člana 92. stav (3) Pravilnika o unutrašnjoj organizaciji Kantonalne uprave civilne zaštite Kantona Sarajevo, odlučeno je kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



#### **Dostavljeno:**

- Svim ponuđačima
- Sektoru za ekonomske poslove KUCZ
- a/a



E-mail: [kucz@kucz.ks.gov.ba](mailto:kucz@kucz.ks.gov.ba); [www.ks.gov.ba](http://www.ks.gov.ba)  
tel: + 387 33 201 595; + 387 33 443 720; fax: +387 33 560 453  
71000 Sarajevo, Hamida Dizdara 1